

建寧府志卷之三十四

人物

文苑

唐

葉京字垂孫建安人工詞賦咸通二年進士州人
登進士自京始廉訪使李景溫爲號所居曰茂
才今南才里是也官至太常博士

五代

江文蔚字君章建陽人善詞賦後唐長興中擢進

建寧府志

卷之三十四

文苑

一

一百四十

陸

士第後仕南唐累遷知制誥擢御史中丞坐廷
劾宰相馬延已貶江州士曹叅軍奉其母以行
怡然不以貶謫爲意嘗作詩曰屈原若遇高堂
在終不懷沙吊汨灘久之召還爲翰林學士禮
部郎中保大十年卒謚曰簡有唐吳英秀賦七
十二卷桂香賦集三十卷子拯端拱中登第太
常少卿

江爲建陽人少遊廬山學詩於處士陳貺居白鹿
洞二十年與同邑人江文蔚楊徽之同時著名

累舉不第嘗題白鹿洞有云吟經蕭寺梅檀閣
醉倚王家玳瑁筵李景見之謂左右曰吟此詩
者大是貴族遂爲時所稱今靖安寺卽其故居
也楊徽之哭之有廢宅寒塘水荒墳宿草煙陳
覺民有却意當年江處士解言秋色露人家爲
詩有山形圍澤國秋色露人家故也有詩一卷

宋

張伯玉建安人進士舉書判拔萃科嘉祐中爲御
史嘗攻宰相文彥博不自安而去後出知太平

建寧府志

卷之三十四

文苑

二

三百六
陸

府時曾鞏爲司戶伯玉一日語之曰吾方作六
經閣子爲我記之鞏數呈稿終不合意乃自爲
之其首云六經閣者諸子百家皆在焉不書尊
經也鞏歎服從此益勵於學伯玉後遷司封郎
官有蓬萊詩二卷

徐常字彥和建安人元豐進士文學該貫與陳襄
爲友別歷州縣奸民猾胥畏若神明與蘇軾兄
弟遊從甚久又每慕二宋爲人嘗有詩云事口
要須師二宋文章端是學三蘇軾亦嘗稱其爲

天下奇男子

楊蟠字公濟建安人進士爲密和二州推官以詩知名歐陽修贈詩有臥讀楊蟠一千首乞渠秋月與春風之句元祐中蘇軾知杭州蟠爲通判與軾唱酬居多後知溫壽二州卒有集二十卷

詳見宋史本傳

林光字子輝建安人性資極敏讀書過目輒不忘少有文名乾道初由鄉舉上禮部知舉梁克家喜其文以策語大訐寘第四名中進士丙科歷

建寧府志

卷之三十四

文苑

三

一百八十一
陸

韶州循州教授恬靜有守後以尚書韓元定薦除刪定官後監左藏庫改秩知信豐縣部使者尚其政績卒于承議郎嘗著建安志二十卷又著兵論迂論數十卷

游次公字子明建安人自號西池范成大帥桂林日次公實叅闋幕有唱酬詩卷甚富尤長於詞莊父字子嚴建安人號古洲居士博涉經史善詩文尤長於詞其闋思鷓鴣天一闋云睡鴨徘徊煙縷長日高春困不成粧步欹草色金蓮洞

撚斷花鬚玉笋香輕洛浦笑巫陽錦文親織寄
檀郎兒家閉戶春藏色戲蝶遊蜂不敢狂

陳以莊字敬叟建安人自號月溪詩句清新而詞
尤擅名一時玉林黃昇集中興詞選多取其詞
翁孟寅字賓賜建安人善吟咏有夜泊一絕云夜
泊寒沙際江風起舊愁離情惟怕晚歸夢又逢
秋人多稱之

張諒字子京建安人與弟貢學易于丘富國著經
史事類書澤二十卷後賜秩翰林應奉文字貢

建寧府志

卷之三十四

文苑

四

二百八十八

字壯夫

徐大正字得之甌寧人嘗赴省試過釣臺題詩云
光武初從血戰回故人長短尚論才中宵若起
唐虞興未必先生戀釣臺元祐中蘇軾見之遂
與定交嘗集室北山下名閒軒秦少游爲之記
軾爲賦詩人以北山學士呼之

吳激字彥高甌寧人工詩能文字畫俊逸將命至
金被畱比還命官翰苑後遷待制知深州有東
山集十餘卷

葉廷珪字嗣忠甌寧人少嗜書貧無可讀其曾祖以差役至京傾橐市歸因得盡讀之政和五年累除武邑丞時興燕山之役廷珪三部軍餉一粒不食轉知德興縣張邦昌僞詔至不肯拜中興後差知福清縣縣瀕海民困鬻鹽廷珪創增鹽錢稍獲其便又有煮鹽利害圖及書州縣往往遵用之召爲太守寺丞輪對乞搜訪遺書補中秘府高宗嘗問方今禮樂之事廷珪以兵革未息禮樂未遑爲對秦檜聞之不悅未幾出知

泉漳二州延珪性喜讀書歛業郡學升貢上庠登名桂籍入仕四十餘年未嘗一日去手每聞士大夫家有異書無不借讀讀無不終卷嘗恨無貲不能盡寫作數十大冊擇其可用者手抄之名曰海錄文多者爲海錄襍事細碎者爲海錄碎事其未知故事所出者爲海錄未見事其事物興造之原爲海錄事始其詩人佳句曾經前輩稱道者爲海錄警句圖其有事跡著見作詩之繇爲海錄本事詩獨碎事文字最多初謂

之一四錄言其自一至四字有可取者皆錄之
後改爲碎事每讀文字見可錄者信手錄之既
知泉州公餘無事因取類之爲門七十五爲卷
二十有二事多新奇未經前人引用者復好爲
詩與吏部員外郎宋喬年以詩相善喬年議論
少許可獨喜稱廷珪詩在泉中與傅自得一見
如平生會卽談詩一日誦其所作郡齊羅漢室
示自得末句云幾多鴈鷺行間吏衙退頻來禮
釋迦自得謂廷珪予每讀韋蘇州詩今朝郡齊

建寧府志

卷之三十四

文苑

六

三百十六
陸

間欲問楞迦字未嘗不廢卷太息想像蘇州之
風流蘊藉而知其當時之政泉故劇郡公使吏
輩優游如此此可觀公廷珪欣然以爲會心之
友

江任建陽人拯之子景德二年進士累官秘閣校
理知秦州卒有詩名楊億嘗摘其送人詩云盤
珠臨路泣斗印入鄉持以爲佳句云

阮逸字天隱建陽人爲鎮東軍節度推官景祐初
知杭州鄭向上其所撰樂論十二篇并律管十

二與胡瑗俱召赴闕命同校鐘律分造鐘磬各一簾尋除鎮安軍掌記康定元年上鐘律制議并圖三卷皇祐中更鑄太常鐘聲又召瑗逸與近臣太常議秘閣遂典樂事遷尚書屯田員外郎又有易筌及王制井田

劉子寰字圻父建陽人早登朱熹之門有詩名劉克莊爲序其集同邑劉清夫字靜甫詩學與子寰齊名而尤長于樂府云

劉清夫字靜甫建陽人世居麻沙詩學與劉子寰

建寧府志

卷之三十四

文苑

七

三百一十

陸

齊名而尤長於樂府武夷詠梅一闋念奴嬌云亂山清處見寒梅一朵皎然如雪的皦妍姿羞半吐斜映小窓幽絕玉染香腮酥凝冷艷容態天然別故人雖遠對花誰肯輕折疑是姑射神仙幔亭宴罷迤邐停瑤節愛此溪山供秀潤飽玩洞天風月萬石叢中百花頭上誰與爭高潔麓桃俗李不須連夜催發人多傳之其他樂府多入中興詞選

劉淮字叔通號溪翁建陽人博學能文甚有詩名

嘗題平遠臺云海天漠漠水雲寬開到梨花正
自寒却擁重裘上平遠愁心千疊倚欄干有詩
集若干卷

吳明老建陽人剛介有志操詩文雅饒意趣小園
解后錄多採輯之其詩云西風颯颯動長林斗
酒沾來伴月斟慷慨未應憂短褐悲歌原不爲
秋砧誰云塞馬年年健自是君門浩浩深世祖
神丰似高帝楚囚珎重莫沾襟有文集四十卷
劉鑑字子靜建陽人以祖澤蔭桂東令工詩文翰

建寧府志

卷之三十四

文苑

八

三百二十

陸

墨如題文天祥贊答君虛齋僚諸詩深得風人
之旨鄧尤薦稱其一生琢對匠語洗削治澤齒
牙間纏纏有聲大率精切得意處前無古人至
老皮毛落盡孤興兀然雷霹之琴大成之鑿潮
湍激齧之山皆天然成趣不繩削而合

劉欽字子時建陽人幼在襁褓中或啼哭示以晝
帙卽嬉笑甫能言母梁教以古詩輒成誦不忘
七歲日受數千言每夜達旦母憐而節之乃匿
膏室中候寢熟復燃從蔡沉學精于易以祖蔭

□官承事郎知嵯縣有政聲轉朝奉大夫出知
饒處邵武南康時江汀邵寇竊發境內騷動欽
募義勇勦捕誅其首惡餘悉縱還鄉事聞陞殿
中侍御史同知樞密諫院事歸隱武夷茶洞口
築茶巖小隱堂爲終焉計自號冰壺散人終朝
請大夫謚忠簡所著有書經衍義文集十卷
劉銓字子平建陽人博通詩禮其學一以考亭爲
宗登開慶己未進士授臨川尉政治有聲尤工
吟咏膾炙人口著有傷時歌深悼世人競於浮
靡不務本實穆然有返樸之思焉

建寧府志

卷之三十四

文苑

九

三百二十一

陸

翁邁字仲和崇安人幼聰敏博記能文年十三爲
魁舉首郡守元公矚以其幼不甚禮焉且扣之
曰小解元所讀何書邁答曰無書不讀日下所
講者詩之相鼠耳守雖知其譏已猶疑其未能
文也逮宴鹿鳴復命小妓就之覓詩卽戲題云
年未十三四嬌羞懶舉頭爾心還似我全未識
風流守大稱賞

詹庠字周文崇安人祥符初進士官至三門白波

輦運判景祐中進君臣龜鑑六十卷有詔褒諭云汝策名雋科引籍華序夙究聖賢之學載馳儒苑之名爰摭敏詞備存懿戒因燕居之一覽實體要之可稱令其書行於世

彭彝字武山初名夷崇安人侍郎劉夔薦於朝謂其士檢清修才章典瞻既而被召赴闕試于紫薇閣誥詞褒美云朕惟衆科不足以盡天下之士故因赦令而委天下以特招爾以守節見稱而議論亦嘗試矣賜之一命使力行者有所勸焉人因稱之爲彭特招授將士郎試秘書省校書郎終大理寺丞有詩百餘篇李鞠爲之序略曰公有高世過人之行其詩優柔平易無怨誹憤怒無聊不平之語信乎爲治世之音

柳三變字耆卿一名水崇安人景祐間進士授員外郎工詞章擅名樂府仁宗誕辰太史奏老人星見永因爲醉蓬萊詞以獻後有薦之者上曰此人任從風前月下淺斟低唱豈可令仕宦范鎮嘗見其所作歎曰仁宗四十年太平鎮在翰

苑十餘載不能出一語歌咏而乃於耆卿詞見之與兄三復三接皆工文藝號柳氏三絕

暨陶字粹翁崇安人長於聲律以飛龍位天德及聖人作而萬物覩賦知名登元豐五年進士初定陶爲第一臚唱者乃以洎音呼其姓迄不應乃以次名遽陞唱第神宗顧考官蘇頌頌奏當以入聲呼之陶果出上曰鄉何以知爲入聲頌曰三國吳時有暨醯陶必其裔也及問陶鄉貫云建州上喜曰果吳人也官至承議郎子唐裔

建寧府志

卷之三十四

文苑

十一

三百二十一
陸

登進士第官至中奉大夫

彭止字應期自號漫者崇安人詩筆甚高嘗謁辛棄疾值其晝寢題一絕于齋而去詞云棊子聲乾案接塵午牕時夢暖於春清風不動階前竹誰道今朝有故人棄疾覺遣人追之延畱屢月所爲詩皆清灑典雅有刻鵠集

江滋字益之一字德修崇安人家貧嗜學尤長於詩元祐三年進士知衡州來陽縣時舍法行滋始至視學字頽敝卽鼎新之作諭學詩七十口

備述朝廷勉勵士子之意監司上其事特遷□
官繼知潁昌府長社縣時蘇轍退居潁上杜門
謝賓客惟滋得其容接相與唱酬有潁川集官
至朝議大夫

彭路字通吉崇安人少明敏爲文清新嘗問神示
路謨二字曰此公之名後路應舉治平三年以
路名熙寧八年以謨名元豐四年七年俱以路
謨名四舉獲優薦崇寧三年以特奏廷對爲第
一聖語褒諭路進謝恩詩上命翰林學士和之

建寧府志

卷之三十四

文苑

十一

三百十六
陸

翁挺字士特崇安人少能賦及長該博羣書落筆
卽數千言政和中以季父彥國恩補官調宜章
尉朝臣文薦詔赴闕下所陳皆朝廷急務上喜
曰何見卿之晚改授少府監丞時相怒其不附
已逐之遂不復出號五峯居士有詩文集二十
卷李綱稱其文雄深雅健淵源浩博又稱其凌
厲奮發絕去筆墨畦徑

劉韞字仲固崇安人以蔭入仕歷倅三州典二郡
皆有政聲以朝散大夫致仕築室縣南有臺□

花木之勝自號秀野與朱元晦諸賢唱酬甚多
子子翔善詩有父風

宋翔字子飛崇安人七歲賦燈詩曰耿耿照幽房
熒熒鶴燄長昔年江上女曾到乞餘光劉子翬
奇之紹興登進士歷官國子監簿時韋太后歸
慈寧宮祥瑞交至翔撰樂府十二首以獻其一
曰天意回皇母歸鳴和鸞敞宮闈朝陽赫奕明
鞠衣惟皇之孝惟母之慈奉和顏稱壽卮從之
家后與庶妃奏之九韶與咸池沓珍瑞駢福祺

建寧府志

卷之三十四

文苑

十三

三百十五
陸

山陬水澁共熙熙惟天之相與帝之宜千萬年
無窮期以朝散大夫致仕自號梅谷居士有梅
谷文集與同縣劉式翁石氏號三俊

劉如愚字明遠崇安人有才幹善屬文尤善吟咏
居鄉日與朱熹唱酬從子珙與同登第調海鹽
尉終江西帥司叅議官

詹慥字應之崇安人安貧守約一介不妄取喜誘
掖後進遠近從遊不下百餘人任贛州信豐尉
張浚辟爲屬走筆成文蔚有異采與吳宏劉子

翬暉有文集二十卷

劉珩字平父崇安人子翬之子仕爲從仕郎自號七者翁與朱熹諸名賢唱和有詩集十卷

黃銖字子厚崇安人少師劉子翬與朱熹爲同門友少熹一歲爲文略相上下熹每歎其不可及其文喜學太史公詩喜屈宋曹劉而下及韋應物尤善琴書隸法甚古得晉魏以前筆法其騷詞能以古韻楚聲爲之卒熹爲序其集

劉褒字仲寵崇安人十歲能屬文舉進士除司門郎中才高見忌不久朝列終朝請郎知泉州歸老自號梅山老人有詩集

江史字夢良崇安人淳熙十四年進士初史家貧好學嘗慕木待問之名不遠千里而取正焉逾月告歸待問曰吾易東矣後就試南宮有賈寅者太學名流也試罷徧謁同經叅問所試之文私喜無出其右者及見史之文驚曰公第一矣寅次焉泊揭榜果如寅言後歷袁泰吉三隄校

官

李仲光字景溫崇安人開禧元年進士趙汝騰一見稱爲奇才以妹妻之才高見忌仕途多顛頓自雷陽分教歸放情山水寓意花木精老莊韓柳之文善記序有古體晚年詩愈高後爲湖廣幕屬卒自號肯堂有肯堂集李襲之爲序

李誼字仲諧崇安人苦學通諸經尤精禮記與子喆屢冠鄉薦開門授徒父子仕皆司理叅軍哀長吉字叔巽崇安人舉進士調靜海軍掌書記秩滿命駕而歸徜徉林泉託興吟咏結廬委順精究卒年八十九

趙必漣字仲連崇安人少刻苦讀書開慶間以父澤當補官辭不受晚築室黃栢里自號山泉翁植梅數百株名其居曰梅花莊與弟若櫛日觴咏其中有倚梅唵稿

劉濟字應徐崇安人有詩名嘗題趙必漣梅花莊云莊後莊前千萬枝元方題遍季方詩何當把酒依花樹坐對參橫月落時有日行辨明德辨

行世

劉學箕珙之子恬於仕進年未五十卽南山之下
居焉扁曰方是閑堂若將終身爲文高爽閒雅
得其家傳劉淮稱其詩摩香山之壘詞拍稼軒
之肩至若松江峭遍直欲與坡仙爭衡人以爲
知言有方是閒小稿行世

趙若櫛字自木號霽山咸淳末登第入元不仕性
倜儻不治生產獨嗜吟咏徜徉山水間遇會心
處輒止數日人以陶阮輩目之評者謂其所作

建寧府志

卷之三十四

文苑

十六

三百〇〇
陸

得晚唐風致

范師孔字學可崇安人咸淳中預薦肄業武夷書
院三司辟充講書橫經析理後進賴之尤工於
詩賦有高樓高云高樓高登天美人美如玉美
人坐高樓更彈天上曲飛聲落人間誰不注耳
目安知妾此心長恐晝夜促莫羨高樓高莫羨
美女美樓頭瞻明月樓下看流水月明圓易缺
水流去不駛獨愛山中蘭幽香抱枝死有畫餅
編行於世年七十五子棄字不遐亦善詩

鄭德普崇安人號景厓幼聰敏博記自場屋文廢
刻意學詩與趙若樾范師孔日相酬唱其題靈
巖云山蒸雲氣晴能雨泉挾風聲夏亦寒詠柳
花云絕無氣力元非絮空費形容不是花題齊
雲峯云石潤黏蒼蘚澗高流白雲詠南樓云鴈
斷風仍急烏啼天正陰皆佳句惜散逸不多見
也

彭巖肖號歸峯崇安人嘗領鄉薦前輩咸以老成
禮之嗜學至老不倦詩文窺韓杜戶庭每賦詩

建寧府志

卷之三十四

文苑

十七

三百十六
陸

不輕綴一字

楊徽之字仲猷浦城人家世尚武父澄獨折節爲
儒終本邑令徽之少工詩賦與邑人江爲江文
蔚齊名李氏據有江表間道詣汴洛以文投竇
儀王樸深賞遇之周顯德中第進士爲拾遺力
言太祖人望所歸不宜典禁兵太祖旣得天下
將因事誅之晉王諫曰彼周室忠臣乃止開寶
中除著作佐郎知金州太平興國初代還太宗
因索所著詩徽之以數百篇奏御且獻詩爲□

有十年流落今何幸叨遇君王問姓名之語太宗覽之稱賞尋轉庫部員外郎賜金紫判南曹同知京朝官差遣會詔編文苑英華以徽之精於風雅分命編詩爲百八十卷真宗卽位歷工部禮部侍郎樞密直學士兼秘書監咸平二年以衰疾求解近職改兵部兼職如故徽之入謝帝命勞之曰圖書之府清淨無事俾卿得以養性也是秋特置翰林侍讀學士命徽之與夏侯嶠呂文仲爲之徽之醇謹清素重名教尚風義

建寧府志

卷之三十四

文苑

十八

三百二十三

陸

嘗言溫仲舒寇準以搏擊取貴位使後輩務習趨競禮俗浸薄時謂其知言卒年八十贈兵部尚書景祐二年再贈太子少師賜其家錢五十萬絹五百疋錄其近親三人徽之于俗寡偕惟李昉王祐深所推服及與石熙載李穆賈黃中爲文義友善談論多識典故尤好吟咏旣歿有集二十卷畱於家上令夏侯嶠取之以進詳見宋史本傳

楊億字大年浦城人祖文逸南塘玉山令億將生

文逸夢道士稱懷玉山人來謁未幾億生有毛
被體長尺餘經月乃落能言母以孝經口授隨
卽成誦七歲能屬文對客談論有老成風雍熙
初年十一召詣闕連試詩賦下筆立成太宗賞
異令內侍送至中書又賦喜朝京闕詩卽授秘
書省正字有願秉清忠節終身立聖朝之句從
祖徽之嘗與語歎曰興吾門者在汝矣淳化中
獻二京賦命試翰林賜進士第遷光祿寺丞直
集賢院轉著作佐郎時公卿表疏多假文于億

眞宗在京府徽之爲首僚邸中書疏悉億草定
卽位初超拜左正言預修太宗寶錄凡八十卷
億獨草五十六卷書成力丐外知處州召還爲
左司諫知制誥會修策府元龜其序次體制皆
億所定拜翰林學士又同修國史變例多出億
手歷官工部侍郎復爲翰林學士兼史館修撰
判館事億天性穎悟文格雄健才思敏捷略不
凝滯對客談笑揮翰不輟率精密有規裁當時
學者翕然宗之而博覽強記尤長于典章制度

時多取正然性耿介尚名節真宗立德妃爲后
欲得億草制億不奉詔卒年四七七贈禮部尚
書謚曰文有括蒼武夷穎陰韓城退居汝陽蓬
山寇鼇等集及內外制刀筆共一百九十四卷
詳見宋史本傳

黃元字清臣浦城人母夢星隕於懷掬吞之有娠
生元少奇穎過人年十五以文謁章得象得象
奇之遊錢塘以詩贈林逋逋尤激賞時王隨知
杭州奏禁西湖爲放生池元作詩數百言以頌

建寧府志

卷之三十四

文苑

二十

一百九十

陸

士人爭傳之元對人野率如不能言然嗜學強
記文詞奇偉其文二十卷號東溪集詳見宋史
本傳

黃鑑字唐卿浦城人舉進士補官爲國子監直講
同邑楊億喜其文詞延置門下由是知名累遷
太常博士爲國院編修官嘗詔館閣後苑賞花
鑑特預召國史成進直集賢院以母老出倅蘇
州修三朝寶訓未及上卒有談苑十五卷見宋

史

徐□子公用浦城人博學強記日誦萬言年未冠挾所爲文入京師見孫何何歎賞勉試制科上其奏議五十卷召試會有家難不赴丁謂當國陟不肯見作詩寄意後擢祥符進士第以朝奉郎判永州嘗作白馬謠數百言勵守邊者有君恩山嶽重汝命鴻毛輕之句

楊翊字正臣浦城人善聲律有晉宋風度登天聖中進士授南安尉偶得微疾投檄去未幾疾愈或勉之仕弗顧以詩酒自娛同年蔡襄招以詩

建寧府志

卷之三十四

文苑

二十一

三百十四
陸

又率同列薦之不起

章岷字伯鎮浦城人天聖進士嘗與范仲淹同賦鬪茶歌岷先就仲淹覽曰此詩真可壓倒元白官至正議大夫光祿卿

練亨甫浦城人有文名爲王安石所知號爲小友何去非字正通浦城人學問該博元豐中對策論用兵之要曾鞏見而異之奏除武學教諭使校兵法七書書奏復見褒賞尋擢博士蘇軾見其文驚曰此今之班馬也力薦于朝詔加承奉郎

歷改廬州通判卒有集二十卷備論四卷司馬法講義三卷三略講義三卷

姚易字夢錫浦城人博學能文與同邑葉常何去非以詩賦馳名唱酬甚多元豐中第進士崇文初有以文學薦易者召對除諸王館教授上出所愛畫檜賜之歷官通判有畢集十卷傳於世黃蕢字仲實浦城人震曾孫也童時父嘗與客飲命蕢賦梔子詩滿座稱賞嘗作易傳推明大衍之數尤精確元祐六年擢進士第調黃岡簿改

建寧府志

卷之三十四

文苑

二十二

三百十三

陸

贛縣尉在官尚氣節不能俯仰改宣教郎知奉新縣人以爲賀蕢曰爲五斗折腰豈吾志哉未赴而卒

吳駿字希遠浦城人元豐進士官饒州判有詩解二十卷文集十卷雅健雄深衆體悉備

周固字適可浦城人元符三年進士調蕭山尉移江東提舉司管勾文字有旨令兩制各舉所知二人尚書曾孝廣以固應詔丞相何執中奏宜處師儒之任除太學正遷博士京畿提學詔拜

監察御史擢太學司業累章乞外直秘閣知沂州固爲文必欲窺造道闡有補治道非區區模倣者之所能及有璧水集十五卷

楊暎字元輝浦城人天資英邁弱冠爲文有老成氣崇寧中擢進士第調濠州鍾離主簿表進中臺甘露頌陞從政郎授郴州司錄改宣教郎還朝復表進所業二十卷天子奇其才擢知太寧監歷官朝散大夫有文集三十卷宦遊集十卷張彄字正仲浦城人幼警悟季父嘗戲之曰聞汝

建寧府志

卷之三十四

文苑

二十三

三百三十二

陸

讀孝經有何好處對曰立身揚名以顯父母季父大奇之登大觀三年進士調建昌主簿改南昌弋陽二邑丞靖康中翁彥國自錢塘舉師勤王辟爲叅贊軍事聞彥國與趙子崧等會盟于宿亳登壇爭歆彄以書苦諫曰淵聖駐危城中宗社若綴旒日望四方勤王之師臣子當百舍一息豈爭盟競長之時漢末曹袁故轍豈可復蹈耶彥國弗能從後子崧等皆以罪罷紹興初知潮之海陽縣曾孝蘊帥湖南辟知武岡軍令

未下卒豸工駢儷之文曾覲嘗薦於當路不獲
用有雙溪漫叟集二十卷松牕摭遺十二卷
葉常字權之浦城人舉進士授太學正遷博士常
與同里侍郎黃應圖交厚後以職事相失經年
因作燕燕詞以遺之應圖得詩甚喜相好如初
有文集五十卷

徐宗慶浦城人善議論通經史所著有皇王大訓
經世明道二書皇王大訓以載古今帝王之道
與爲治之具經世明道集則明聖賢之道之載

建寧府志

卷之三十四

文苑

二十四

二百八十四
陸

諸言者嘗辟教官以卒

陳律字宗禮政和人博學多通元豐八年登第嘗
畱詩縣西門外有三島路從天外去一枝香折
月中來之句因以折桂名亭

元

毛直方字靜可建安人宋咸淳中預薦入元授徒
講學士爭趨之有治靈稿四卷聊復軒稿二十
卷嘗編詩學大成及詩宗羣玉府三十卷行於
世後以教授半俸終其身

劉邊字近道建安人與熊禾友善工詩能文所著有讀史摭言若干卷自家意思集十卷

虞韶字以成建安人博通今古善詩文嘗纂小學日記切要故事十卷行於世

虞廷碩字君輔建安人工詩文尤邃舉子業嘗編集歷代制誥五卷詔令四卷古賦準繩一卷行于世

蘇照字明遠建安人工詩文尚儒術後進多師之至正間以明經薦至京預纂脩事欲授以官以

建寧府志

卷之三十四

文苑

二十五

一百九十

陸

親老辭臨川劉灼贈詩有才子曾聞起建安若爲金馬得辭官之句尤精墨菊山水諸畫稱爲名筆卒年八十子伯厚見選舉

虞光祖字善繼崇安人幼受學于熊禾博綜經史爲文有跌宕氣官邵武教授

游應祥字子善崇安人酢七世孫天資淳厚博通經史結屋澄川之上隱跡自晦後繇武夷直學陞學正卒

楊載字仲宏浦城人徙杭州少孤博涉羣書爲文

有跌宕氣年四十不仕以賈國英薦召爲翰林院國子編修官與修武宗實錄延祐初登進士授官遷國路總管府推官卒初吳興趙孟頫在翰林見載所爲文極推重之由是載之文名始著凡所撰述人多傳誦其文一以氣爲主博而敏直而不肆自成一家言而於詩尤有體嘗語學者曰詩當取裁于漢魏而音節則以唐爲宗自其詩出一洗宋季之陋與虞集范德機揭傒斯齊名世稱虞楊苑揭有請集行於世

建寧府志

卷之三十四

文苑

二十六

三百十六

陸

陳楠老字良材政和人至元元年以鄉貢進士授興化路涵江書院山長轉建陽雲莊書院山長至正間棄官歸嘗過萬竹菴題詩曰青山廻望合萬竹淨娟娟寶殿晴光冷瑤階翠色妍龍吟明月夜鶴舞早秋天坐聽涼風發軒櫺響澗泉

明

楊恭叔名恭以字行建安人幼穎悟十歲作靈囿南薰賦大爲時稱元季以詩經中澗江鄉試第一弟文叔以詩中第三時號聯璧俱不仕洪武

初以薦訓導建安有文集若干卷祀府學尊賢堂

張昌齡字有年建安人博學善吟嘗從杜本蔣易遊甚有詩名書法亦遒勁洪武間薦至京陛見之日太史奏卿雲見上大悅是日同舉者十有三人特旨俱除僉事不避籍貫任福建按察司未幾致仕卒所著有詩集一卷飯牛菴漫錄一卷

蘇仲簡名境以字行建安人照之子好學善文辭

建寧府志

卷之三十四

文苑

二十七

二百九十八
陸

與兄伯厚弟叔敬季雅自相講授洪武初以明經薦授崇安縣儒學訓導以詩鳴所著有敬所小藁四卷御史廬林陳仲述謂仲簡古詩如玄酒太羹土鏹瓦缶質而不俚近體律絕如正人端士褒衣危冠樸而不陋歌行古詞如山下出泉鏘然有聲聽之無窮人以爲知言

蘇伯厚名埜以字行建安人文行見重洪武乙丑以明經授建寧訓導後學多所造就永樂初預太祖實錄遷翰林侍書復預修永樂大典雨典

春闈伯厚學本誠實議論皆有根據有素履集
子鑑以明經歷官稽勲郎中弟仲簡

楊壽夫名松以字行建安人通春秋孝友篤摯建
文辛巳郡守芮麟薦歷本學教諭多所造就典
鄉試者五會試者二宣德中楊文貞輩交薦之
陞翰林院編修預修宣廟實錄官至修撰

楊亘字恒叔建安人成化鄉薦除□天判陞治中
轉太僕少卿正德中引疾歸闢園治於所居之
南摘靖節歸去來辭中語編名曰陶園吟咏其
中所著有紀行錄南都錄文獻內集陶園錄鳴
鶴餘音等集

建寧府志

卷之三十四

文苑

二十八

三百五
陸

滕霄字子冲建安人選翰林庶吉士轉修撰預修
國史進講經筵陞司經局洗馬清慎敦厚爲文
純正典雅一時翰學咸推重之

楊晉亨號燕山建安人廩生文敏公榮裔孫博極
羣書六經子史皆能發其奧旨古文詞直逼秦
漢詩有盛唐風督學宗方城公稱爲絕代奇才
有文集若干卷藏于家

趙友士字志道甌寧人宋宗室裔純厚樂易通易詩書禮四經爲詩文雅贍和平洪武間以明經舉爲府學訓導正己率下生徒樂從而尚書鄭賜少師楊榮皆出其門官至國子助教有文集一卷行世

田賦字用周甌寧人正德進士授刑科給事中奉勅攢漕兩淮尋知池州府改繁調淮安所至有善政工詩文著述有齊山志紀行錄管鳴集巡漕集困衡集野樵雜言

建寧府志

卷之三十四

文苑

二十九

三百二
陸

謝純字梅岐甌寧人天性聰穎文畫兩絕尤諳兵法星占正德亞魁爲海州守倣造木牛流馬一鞭可行數十步海州有龍圖之誦因巡方貪婪純以清介招尤遂棄官歸

謝元字朝之甌寧人以貢授蘇州府訓導轉教諭篤友義與丘湘交最善長于文詞

蘇洵字景濟甌寧人成化改元詔起經明行修于朝守以洵應薦預修憲廟孝廟實錄以疾辭歸書法備諸體寫染俱精妙所著有貽拙集燕遊

倡和錄

謝阜字少崗甌寧人十歲能詩爲涇縣令撰三都賦爲宗伯夏公以言有觸沮之作缺人垂淚歌棄涇歸築鐵漢樓著歷代大事觀纂宗譜每屬詩文筆不加點無不妙絕時人稱富沙謝東陂謝丰字天湖甌寧人舉于鄉爲信宜縣令父子俱有才名父名暹貢士性樂山水著抱愚賦諸書丰亦好遊名山大川著六虛樓集數十卷談笑皆詩文凡一言之出率比之零金碎玉

建寧府志

卷之三十四

文苑

三十

二百九十三

陸

趙秉忠字蓋臣甌寧人廣陵宗臣所取士嘉靖解元萬曆甲戌會魁天資穎異淹貫羣書下筆千言立就四六尤工人以擬駱丞所著有畏壘水言等集

吳從周字世憲甌寧人事繼母孝產腴者讓弟提學宗臣以孝友名家表其閭博學善文萬曆間應貢廷試第一分訓海鹽與友生商確古今有談菽錄行世致仕杜門屢薦鄉賓著石匏集史辯書疑四卷

童經字述古號蘭畹甌寧人自幼穎悟通諸經子史行誠篤非義之財一無所取知府賀沈高其行欲薦之經力辭遂寢喜吟咏嘗樽節朱熹小學每章協爲韻語使子姪誦之

謝桂芳字性卿甌寧人萬曆鄉薦工詩博洽有文章名所著有泰宥編心經蠡測等集

范燿號鐵鋤甌寧人萬曆癸卯舉人嗜酒善文人
有以文請者必置酒相招俟其醉乃爲之尤善
後爲來賓縣知縣

建寧府志

卷之三十四

文苑

三十一

三百三
陸

張智字玄略建陽人元儒學提舉昇之子博學工文詞有名于時洪武初以明經薦授湖廣夷陵州學正教條嚴肅人材多所造就召陞禮部右侍郎制度儀文嘗有建明未幾坐累左遷國子學錄永樂乙酉陞國子司業卒于官所著文集甚富

王相字舜舉建陽人七歲能詩以奇童薦洪武辛亥應秀才舉歷官監察御史有蹇諤風以疾卒於官年五十八相好吟咏所著有紀行錄秦淮

稿停雲稿懶菴稿窮愁稿省風稿若干卷

丁顯字彥偉建陽人博通經史援筆立成洪武十八年會試第三人其第一爲黃子澄第二爲練子寧及廷試顯居首子寧次之子澄又次之先是上夢三絲墜地將臚唱以子澄年少議論過激抑置第三而以二甲花綸易之三人姓名俱有絲適與夢叶上喜甚俱賜狀元授翰林修撰明開科狀元及第自顯始後坐事謫廣西馴象衛時香山人周御史尚文秦郵人杜武椽伯恭

建寧府志

卷之三十四

文苑

三十二

三百二十四

陸

江西人羅時用易大年譚南宿俱一時名流與顯同謫日相唱和超然自得久之死戍所太祖曰顯年少自喜吾固裁之武將何得不護持令其齋志耶悉論武將罪

蔣易字師文建陽人勵志篤學從杜本游徧交知名士博極羣書篇磨句定手自刪錄學極精到肆筆爲文汪洋滂沛直追古作左丞阮德柔分省于建禮致幕府待以上賓之禮所著有鶴田集二十卷編類元朝風雅三十卷行於世

欽字士明建陽人性好學五經百氏悉能貫解
曰讀書非徒記誦將以行之也洪武間以明經
聘爲儋州判卒

黃璿字景衡建陽人尚志節通經史百氏能言其
同異得失上下數千載繇監生任羈州判官致
仕潭故無志璿輯古今纂脩以傳晚號知非子
黃三陽字元泰建陽人隆慶間由貢歷官保定別
駕穎異該博初習毛詩後改戴氏禮最後習易
弱冠開講席至入仕從遊者以千數三經並授

建寧府志

卷之三十四

文苑

三十三

三百四
陸

他如天文地理陰陽醫卜靡不究心晚而得官
官署蕭然公餘一編自適所著有禮易講議二
卷吉豐政略二卷詩文二卷

李有則字子彝建陽人嘉靖鄉薦令順德縣多才
學刻燭千言立就所著有東陽聞紀壁文攷正
等書

江騰鯨字于潛建陽人署教卽墨轉銅陵府推官
萊州府通判爲人恬介不邀上官辭色官暇輒
稱詩灑墨曰不敢以區區俗吏荒廢吾心也其

論詩法曰詩寫性情天竅發而萬籟生有不得
而自知者一近色相詩而俳優一著煙火詩而
土木一苦思索詩而鳩毒一假剽竊詩而穿窬
藍智字明之崇安人洪武初以明經薦拜廣西按
察司僉事廉惠之聲甚著有藍澗集張昶嘗稱
其衆體兼備足追風雅兄靜之爲武夷山長尤
早馳詩譽有藍山集並傳於世

丘錫字永錫崇安人洪武己卯鄉薦歷官工科給
事自陳願爲學職預修永樂大典太宗實錄五
十
典文衡人服得士篤志嗜學著述甚富卒年八

建寧府志

卷之三十四

文苑

三十四

三百十二
陸

李韡字去華崇安人篤學履道有先正遺風高蹈
鴻鵠恥爲祿仕惟以著述爲事著易導史遺行
世晚年隱居更衣臺年近七十猶註東萊博議
有和君復山居詩人以靖節擬之

蕭福字九疇浦城人學問該博舉進士選爲庶吉
士與修永樂大典除兵部武庫司員外郎尋改
吏部考功司以病歸卒于家所著有毅齊吟□

黃□字汝錫浦城人博通經史由貢任杭州府學訓導陞太常博士永樂中與修五經四書大全及性理大全陞寺丞卒

徐驥字尚德浦城人性恬靜好爲詩文不以榮達介意由邑學弟子員陞太學援例授府經歷之職以歸題遊息之所曰安歸日以經史自娛家雖貧處之裕如也邑士夫多其學皆遣子弟從之遊所著有洪範解訂正及皇華詩一卷

吳中立字公度浦城人進士疏乞歸養父歿服闋

建寧府志

卷之三十四

文苑

二十五

三百二十

天

就選喟然曰古人爲親而祿今祿不逮親矣遂絕意仕進以著述爲事結廬武夷太史張元扞結駟入山諷以仕不出侍御楊四知冢宰楊巍俱上其清修乞加榮寵欽拔禮部主事病痊錄用萬曆壬辰推陞尚寶司丞報至已逝所著有易銓古文學庸大旨道德經註圓覺經註河上遺言奇鏡奇藏里抄諸書

葉固字廷堅松溪人唐建州刺史顥之後性樸素自幼嗜學能詩文永樂中舉楷書赴京預□永

樂大典與祭酒胡儼爲文字交

楊茂字叔亨松溪人正德進士少有詩文名弱冠
舉於鄉擢進士告歸養復居湛盧六年學益進
起授評事轉陞江西僉憲未至任卒年三十二
所著有湛盧山人集

范茂先字華甫松溪入工古文詩歌有寄嘯集邑
人魏濬稱華甫詩自屈宋西京以下及元和長
慶靡所不窺不斤斤求似逞逞合之嘉靖間首
主禦倭之策卒全其城

建寧府志

卷之三十四

文苑

三十六

二百五十六
天

陳木字可棟松溪人工古文詞與陳至言葉紀范

茂先魏濬同時稱五才子有集行世

葉紀字朝至松溪人遍遊都會與王百穀鄒南皋

曹能始輩相酬和有北遊草空谷集

國朝

楊士美字在中甌寧人貢生博洽通古今所學醇

正一以經史爲準令饒陽有善政著古言史論

諸書行世

建寧府志卷之三十四 終